



ORANJESTAD [AAN] Ayera 3 di Juni 1991, Isidra Juana Kock a cumpli 25 aña trahando na e Kinderdagverblijf "Te Aworo".

Kinderdag verblijf "Te Aworo" a cuminsa funciona dia 27 di December 1962. Pa San Nicolas y vecindario "Te Aworo" ta hopi conoci. Aki tin posibilidad pa muchanan

di 0-4 aña keda den dia. Y mitar dia pa esnan di 2-4 aña. Despues di algun aña cu "Te Aworo" a habri su porta, Isidra, mihor conoci como Juffrouw Sira, a cuminsa su tarea na "Te Aworo".

Na aña 1970 tabata tin oportunidad pa sigui curso pa kinderbescherming y diferente leidster a haya e oportunidad aki ma

pa un motibo of otro nan no a continua. Sira si a logra di haya su diploma. Ora cu workshop tocante desaroyo di mucha worde duna, tur biaha di nobo e ta muestra su interes y asina sigui desaroya su mes den e ramo aki.

Durante e 25 aña aki masha hopi mucha tabata bao di e cuido di Juffrouw

BINTICINCO AÑA NA "TE AWORO"

Riba e dia di awe nos kier a pidi Papa Dios bendiciona nos Amiga, nos Segunda Mama, nos Juffrouw Sira Kock cu ta cumpliendo 25 aña trahando como leidster na "Te Aworo".

"NOS TUR TA STIMA BO"

S unchi y braza nos lo duna nos juffrouw
I bise cuanto nos ta stime di berdad
R atonan di alegria e ta duna nos tur dia
A tendiendo nos como un segunda Mama.

K i ora cu mi yega "Te Aworo"
O ranan di felicidad ta wardami
C u su sonrisa y su mirada tan bunita
K urando nos di tur dolor cu su Cariño y Amor.

Danki Papa Dios pa a duna nos un Juffrouw tan maravilloso
Cu ta duna nos su apoyo y cariño cu ta asina precioso.
I'apa Dios dune Salud y Felicidad, pa cu asina
Juffrouw Sira comparti cu nos hopi aña mas cu su bondad.

Skirbi pa: Omaira I. Britten

Sira. Regularmente ta bin muchanan, cu awor ta grandi caba, pasa saluda nan Juffrouw, hopi di nan ta corda tempo cu nan tabata aki, tin cu ta pasa busca nan rumannan mas chikito awor. Tin diferente cu ta Mama caba y tambe nan yiu ta na "Te Aworo".

Juffrouw Sira ta e segundo directora y cu su experiencianan e ta contribui

hopi pa futuro di e muchanan cu ta pasa dia na "Te Aworo".

E directora y tur e leidsternan y muy en especial e muchanan ta desea Juffrouw Sira hopi mas aña den bon salud pa asina e por sigui dedica su mes na ayudo di e mayornan cu mester traha, den un parti di educacion di nan yiunan.